

Table of Contents

NG UA NGARA A LLEMESEL A DEMUL? 1

Translated by Mahensia Thomas

Illustrated by Gué

KE MLE MEDENGE EL KMO DEMUL A 5

By Mahensia Thomas



Illustrated by Calvin Fujioka

A DEMUL A ULSEBELII A JOHNNY13

Adapted by Mahensia Thomas



Illustrated by Gué

5



*Ng Ua Ngara
A Llemesel A
Demul?*


Ng Ua Ngara a Llemesel a Demul?



A llemesel a charm a kmal meringel a bo dodengei. Aike el kmal meringel a bo dodengei a llemesel aike el charm el kie er a daob. A Demul a diak el sebeched el msa a osisiu el test ngii me a rechad me a lechub e ng mongkii. Ng kirel el kuk di ileakl a test er ngii me a omesubel.


A ta er a teletael a bo dosuub er a chedbechelel a bdelul a Demul. A chedbechelel a bdelul a Demul a kmal klou. Se el omdasu er a bdelul a kmal klou. Tiaikid a ta er a olechotel el kmo a Demul a kmal mellomes a rengul el charm.

A bebil er a olechotel a llemesel a rengul a Demul a ulekekoel. A Demul a kmal soal el omekako. A ulekako a olechotel a llemesel a reng. A charm el omekako a medengei el kmo ngar er ngii a bo lenguu er a uriul. Ng di me a mdesuii er a uchei er a bo lomekako.




A Demul a sebechel el duibech a klekool. Ng dirrek el sebechel el suub a klekool er a bebil er a Demul. Te kmal mereched el mesuub. Te ousekool el okede el bung me a lechub e ng mo kemanget. Ng sebechir el kuk ngmodech a dertelkib er a teletelel a klekool. Aikaikid el rokui a olechotel a kmal el klou el llomes el reng. A rechad el ousekool el obengkel a Demul a mla mes a Demul el remuul a kmal betok el tekoi. A ta er a olechotel a llomes el reng a klaodengei me a omerellel a tekoi.

A rengul a Demul a dirrek el olecholt er a llemesel a rengul. A mellomes a rengul el charm a dirrek el ngar er ngii a urungulel er a charm el losisiu. Ng mekur a kmal mesisiich el bltikerreng er ngii me a ta er a charm. Kid a rechad me kede ua isei. A bilis me ng ua isei. Ng di beab a diak el ua isei.




A Demul a kmal mesisiich a bltikerreng er tir. A chedil el Demul me a ngelekel a kmal kaubltikerreng. A bebil er a Demul a mak a klaubltikerreng er tir el mo lmuut er a kodall. Se el lemad a tang e ngike el kiei a kmal ochotii a kngtil a rengul. Ng mengikai el meliuekl er ngike el ulekoad. Ng dirrek el lelmangel. A bebil a mo diak el soal el omengur.





A Demul a dirrek el olengeseu er a ta me a tang el ua ikid a rechad. A lsekum ng ngar er ngii a dub el ulebuu el kmeed er a delebechel el Demul me a ta er tir a ko er a mlo chetelaol e te mo ngosuir. A teblo er a Demul a tmuchel a eungel a oisal me ng mo er bab er a bebul a daob. Te oba el ngar er bab el telkib. Ng di ngar er bab el telkib e mo ungil. Se el bo lungil e te mengikai el rokui el mo cheroid.

Ng kmal dirk ke betok el urreor a medechel el kirel a omesubel a Demul. Aika ngar er a betok el debel a beluu. A klengar er a charm er a daob a kakerous er a bek el beluu. Ng kuk kmal kakerous er a klengar er a charm er a beluu. Ng kmal sebechel a Demul el osisecheklterir a rechad er a teletelel a klengar er a daob me a delengchokl er ngii.

**Ke Mle
Medenge el
Kmo Demul a...**









--meketeketa el kie er a daob e ng di diak el ngikel? A Demul a
ua ikid a rechad. Ng mechell a ngelekel e oltut (mammal).
--ousbech er a belsibs er a bdelul el outeliil? Tia el belsibs
a lomekedong er ngii el kmo ng otebedellel a eolt. Ng obok
se el le me er a bebul a daob a Demul e kuk obutek se el le
bo er a chelsel a daob.

- outeliil el eru me a lechub e ng edei er a chelsel a ta el bung?
Ng dirrek el sebechel el orekedii a telil el elolem el bung
a lsekum ng kirel?
- oltobed a ngor (sound) el ousbech er tia el belsibs el ngar
er a bdelul? Ng ngar er ngii a kmeed el dart el ungelel ng di
diak lousbech el meringet? Ng ousbech a ungelel el omedechem
a ngikel e ng di di omerekakl a kelel el diak loringet.
- orrenses el ousbech a kmal mekekere el belsibs el ngar er a
bita me a bita er a bdelul? A ikrel aika el belsibs a ngar
er ngii a dingal. A Demul a sebechel el remenges a kuk betok
el ngor (sound) er kid a rechad.




--diak el sebechel el melungl a bau e ng di sebechel el mesuub
el mo mengarem a kall?
--kmal mechitechut a budel a bedengel er a sils me ng di mereched
el medul er a sils?
--kot el klou el Demul a mo elolem a rekil?

--omecheliu er a ngelekel se el lemechell el mo lmuut er a bo
le klou? A delal ngika el Demul a ngiltii a ta er a redil el
Demul el mo ua el ta er ngii e te kaingeseu el oungerachel er
ngika el ngelekel.



--betok el dmak el kiei? Tirka a dmak el omengur e dmak el mechiuaiu e dirrek el kaingeseu el omes er a ta me a tang a bo el secher me a lechub e te metik er a kengaol.

--sebechel el melekoi? Ng diak lolekoi a osisiu el tekoi el dolekoi kid a rechad e ng di ng kuk ngar er ngii a rolel a le chachededuch. A sisuau me a teb me a ngumk me a ongech a kmal meklou a belkul er a Demul. Aikaikid a lousbech el chachededuch.





Te betok el chad a medenge a lmuut el betok el klechubechub er a charm er a daob. A cheldecheduch el bochu monguiiu er ngii a cheldechedechal a Demul. A Demul a dodenge el kmo ng sebechel el ngosuterir a rechad a bo el metacherbeserir.

Ngar er ngii a buik el Johnny a ngklel. Ng mla er a diall e ng metemall. A Demul a ngilseuir me ng silobel.

A daob a kmal mle betok a ko er a toched er ngii. Aika a kmal mle bekerurt. Ng kmal mle mereched el remurt el bedul tia el mlil a Johnny. A Johnny a ulemdasu aike el rokui el cheldecheduch el bla lechuiiu el kirel a Chedeng me a telemall el diall me a rechad er a diall. Ngika a mocha a dengchokl er a belngel tia el mlil el kekere el chesbocheb. Ng kmal ko er a diak louedikel. Ngika a ko er a omdesua el kmo ng locha a di telekib el iuul e mitechii a mlil. Ng ko er a telkib el mechese a rengul e dirrek el ko er a medektang. Ng ko er a di omdasu el kmo becherei e ak kuk mekerior e ak metemellang. Ng locha a bai mereched. Ng kmal dimlak a di ta el chad el medenge el kmo ng ngar er ker a Johnny.


ah, e, o, ew

Tia el daob er a bita er tia el mlil a Johnny a mlo iliuekl er ngii a betok el meaiu e ko er a mechedelekelek a bedengel el charm. Te ko er a meleliloik er a bebul a daob. A Johnny a kmal dimlak a ngara el odengei el kirel a charm er a daob. Ng di mle medenge el kmo a Chedeng a diak longikai el ua isei. Aika el charm a outeliil a eolt el di ua ikid a rechad. Ng dirrek el rongeseterir el outeliil e oldiu el me engelakl er ngii. Ng locha a ngara me ng ua isei? A uchul e ng ua isei ngii el Demul.

A Johnny a mocha a chelellakl. Ng di kea lomart er ngii er a belngel tia el mlil. Ng blechoel el mes a Demul er a katsudo. Ng medenge el kmo ng mekedung e mellomes a rengul el charm. Ng ousekool el ua a rengalek. Te olab a isngir el meluchel er tia el mlil a Johnny. Te meluchel er ngii e mengerodech. A tang a kmal mle er bab a bdelul e meluchel er tia el mlil a Johnny. Ng kmal ungil el omtebechel er tia el mlai me ng diak el rebet a Johnny.

Ngika el Demul a mileltii el omes er a Johnny. Ng chilitii tia el mlai e tuchelbakl er a daob. Ng ko er a uleldiu el kmal ungil a rengul. Ng di mle telkib e ng luueta el me duum a bebil er ngii el Demul el iueklii a mlil a Johnny. A osengir a ua loker er a Johnny a ker. Te dirrek el ko er a klikmechur. A ngerir a ua di bla lerruul el klikmechur. A Johnny a ulemes er tir e dirrek el mlo klikmechur.

A Johnny a di kea el seselk a rengul. Ng mla mo er ngii a sechelil. Ng diak el chad e ng di di mle ungil a rengul. Ng kmal mle soal el omes er tir a leko er a meliloik el meliuekl er ngii. Tiaikid el lolechesokl e a Johnny a ko er a kmal ungia a rengul. Se el omes er tir e te ko er a ua ngelekel a sib a rrurt er a chereomel.



Aika el Demul a millemolem el melechesokl e omes er a Johnny. Se el omes er tir e te ko er a sorir el mo medenge el kmo ng mla chemiis a Johnny me a lechub e ng diak. Te ulemes er a Johnny er a lengebetii a dekimes el chelechedal a bilel e lomekngiis er ngii. Te ko er a ua a lomdasu el kmo a Johnny a oker er tir el kmo, "Ak mekera er a chelechang?"

A Johnny a ngiluu a ometitechakl el rechelel a kerrekar. Ng ulusbech er ngii el meruul er a resel a mlil. Ng ngiluu tia el rechelel a kerrekar el lochetii er a hangkats er ngii. Ng mocha a nguu tia el chelechedal a bilel el mrekedii er ngii. Ng ko er a mocha er ngii a omderengel er a sils.

Chelecha e a Johnny a mla mo sebechel el di mechiuau er a mechuu. Ng di kirel el mechiuau e ousbech er a eolt me a daob el oba a mlil el mo er se el bo lemotechakl er ngii. A Johnny a dimlak el sengerenger. Ng di kmal mla mo medirt a berdel a ngerel. Ng di kmedung e ng kmal mo meched a rengul.


A daob a kmal el mla mo meiusech er a chelechang. Ng mla cheraches me a chedesaoch a ko er a mekekakil meluil. A Johnny a mechiuau e ko er a lotkia tekoi el kmo, "Omengesekes." Ng kmal el ko er a mocha a ungil el medengellii a belkul. Ng kmal mle ungil a rengul le ng kmal ko er a meiusech. A lomelechesiu er ngii e ng ko er a obesio er a chedil a rengul me a rokui el tekoi. Ng kmal di soal el omes er a mellemau el daob me a eanged. Ng dirrek el kmal ungil a rengul el omes aika el ngodech e klebokel el charm el meliuekl e oldubech er ngii. A lebebil e te kmal el me chuob er a bebul a daob e ko er a kmal ungil a rengerir.

A lebebil e te ko er a melechetuchel er tia el mlai me ng mo ometeuitech. A Johnny a mekere-
ngang. Ng mocha a omelechiesiu el kmo ng iliit a medal er a lemechiuaiu. A lomes er a sils e ng kmal el mla me er bab. Tia el mlil a liluut el mo ouedikel. Tiaikid e ng ko el mocha a medengei.

A kloa el Demul a mengikai er a bita me a bitang. Te mengikai e oldubech er tia el mlai. Tia a kmal el mocha a bekerurt. Ng kuk bekerurt er a chad a longikai. A rretel a di merael el mo bekerurt. A Johnny a ullengeng aika el charm el mengikai e melsub a eolt el mo er bab. Tia ng ta er a klokolir? Ng ko er a di ngii a Johnny el omdasu.

Ng ko er a di mle ngii el omdasu er a keril. Ng dirrek el medengeli a nger er ngii el kmo, "Ng diak." Aika el Demul a kuk mla mo ngodech a blekerdelel. Ng mla mo diak lousekool. Te mla mo kerekikl er a Johnny. Ng mla mo dmak aika el Demul e mekekoterir el mengikai. Te mengikai el bedul a di osisiu el rael. Ng kmal mle imis el betok. Ng locha a kmeed el dart a sebechel a Johnny el mes.

2



A Johnny a ko er a ngedecha er a rengul. Ng omdasu el kmo tirka te locha a ua isei el mo oingerang. Te ko er a diak bo lokekoterir. Te di merael el telkib e a kuk ta er a Demul a merael. Ng mo cheroid er tia el mlai e a tang a kuk me mtechir me ng di bekerurt. Ng mle meringel er a Johnny el mo medenge el kmo ng ua a ngara a rretel tia el mlai. Ng ko er a omdesua el kmo ng locha a remurt er a eim el mael er a ta el sikang. Ng di diak lodengei el kmo te merael el mo er ker.

Ng di mle telkib e a sils a mocha a ngmelt. A sils a mla er a medal a Johnny. Tiaikid e ng mocha a medenge el kmo te merael el bedul a ngebard. Ng mlo ungil a rengul a Johnny a lomes me bocha el kebesengei. Ng di kmal mechede a rengul. A berdel a ngerel a kmal mla mo medirt e metutiud. Ng betok a ralm el meliuekl er ngii e ng di dimlak lolim. Ng mle medenge el kmo ng diak el sebechel el melim le ng ngar er ngii a sar er ngii. Ng kmal mle imis el meched a rengul me ng dimlak lolechesuar er a klengerengerel. Ng dirrek el le bla er ngii a kelel e ng diak el sebechel el mengang. Ng meringel a lomerekakl a kelel.

Ng mle klebokel a lomes er a ngeltel a sils. Ng kmal mle ko er a mengeldoech e bekerekard. Aika el Demul a dirrek el dirk mengikai el bedul a ngebard. Te ousbech a dichel a bduch me a buil. Ng locha a ngar er ngii a kmal klou el lomdasu er ngii. Ng di locha a ngarang?

A Johnny a mocha a omdasu el kmo a beluu a locha a kmal di kmeed. Ng oureng el kmo uleku me tirka el mellomes e ungil a rengrir el charm a oba el mong. Ng di ng locha a ngara me ng kmal el blak a rengrir el oldubech er ngii. A Johnny a diak bo lodengeli.

Ng kmal mle kemanget a klebesei. A chedil a rengul a Johnny a meruul er ngii me ng diak el iit a medal. Ng dirrek el kmal mla medul er a sils. Ng di omelbult ku er ngii er tia el mlil el leko di bo lungil besul. Ng oumesingd el mechiuau el dengarech e ousbech er tia el chelechedal a bilel el melenget aika el delul er a bedengel. A bduch a kmal mla sokedii a eanged. A buil me ng dirrek el teloi er a bduch. A lebebil e a dichel a sattellite a meluich er a ngebard el mo er a ongos. Ng kmal ungil e mekekakil el meluich. Ng ko er a olengasech reng a bo lodenge a Johnny el kmo te ngar er ngii a rechad el olab a klekedall el ngar er a melidiul. Ng sebechir el metik er ngii a lsekum te melasem el osiik er ngii. Ng di locha a diak el kirir.

A uriul e a buil a mocha a ngmelt. Ng ko er a di mlo telkib el milkolk e lmuut el mo mellomes. Tia el daob a mlo mellomes er a cheldechel aika el Demul. Se el ta el lesechesokl a chimong el mo er bab e ng mo er ngii a orrekim er a debel.

Tiaikid e a Johnny a chetikol a bo lemellomes. Ng mle medenge el kmo ng ua ngara a rengelel a urerel aika el Demul a lemeringel a sils. Ng luueta el mocha a rullii a omderengel er a sils e tmuu er a eungel. Ng melasem el diak lomdasu er a chedil a rengul.

Ng kmal mle meringel er a Johnny. Ng mlo mechelii e omdasu a ilumel. Ng omdasu a mekelekolt el milk me a lechub e ng osechel a meradel. Ng dirrek el mocha a omdasu er a ralm el merael er a medal a baeb. Ng omdasu e ng di kmal dirkak bo lokede el sikang (hours) el ometitechakl. A rechad a sebechir el suobel a lak lolim a ralm el kuk mo betok er a okede el sikang (hours).

A kmal el di mle ta el tekoi el rullii a Johnny me ng ko er a di ungil a rengul a klisichel a Demul. Ng dirrek el dirk mengikai e oldubech er tia el mlai el bedul a ngebard. A rretel ngii el mlai a kmal dirk osisiu. A Johnny a mla mo diak el ko er a rrau a rengul er a omerellel aika el Demul. Ng ta er a tekoi el di ngii el meruul e kmal ungil.

Ng locha mochu sueleb e a Johnny a kot el mesa a beluu. A kot el lesang e ng omdasu el kmo ng locha a eabed el kmal ngar er a eou. Ng di ko er a kmal di tang e kmal di chelellakl. Ng dimlak lemeoud e ng kmal mocha a oumerang el kmo ng mera el beluu. Ng ko er a ometitechakl er a bebul a daob. A kleldelel a sils a remuul a tkul me ng ko er a meleliloik er a eanged.

Ng di mle telkib e a Johnny a kmal el mocha a ungil el omes er tia el beluu. Ng kekemanget e diak el metongakl. Ng dirrek el kmal betok a kerrekar er ngii. Ng iliuekl er a kmal becheleleu el chelechol. A ikrel tia el chelechol a ngar er ngii a klou el cheleched me a debel a chelmoll a me obuu er ngii.

A kot e a Johnny a ko er a dimlak a rechad el lesterir. Ng di mle telkib e ng mes a chat el merael el mo er bab. Aika el chat a ngar er a belngel tia el beluu.

A lsekum ng ngar er ngii a chat e te ngar er ngii a rechad. Ng locha a ngar er ngii a ralm el lolab me ng kmal sebechel a Johnny el nguim a bebil.

A Johnny a dirk telkib el cheroid er a beluu e aika el Demul a rullii el ko er a mo bekikl. Ngii el Demul a ulebult er tia el telkib er a beluu el kmeed er tir. Te liluut el mo mengikai er a dmolech e meliuekl el mo er a bitang. A Johnny a mocha a medengei. Tia el cheleched a kmal meched a bo loku ngii aika el Demul.

Tia el omerael a liluut el locha a ta el sikang a klemengetel. Ng di a Johnny a di ungil er a rengul. Ng mla mo medenge el kmo ng sobelang. Tia el bocha el keed er a ngeberdel tia el beluu e ng mes a mekekere el bilas el ulak. Ng dirrek el miles a mekekere e becheleleu el blai. Ng locha a dirrek el klou el delengchokl a ngar er ngii er tiang.



Aika el Demul a ko er a mocha a mekekoterir el mengikai. Ng dimlak el sorir el mengikai er a meched. Te uldbehii tia el mlai el mo engelakl er aika el bilas. Te luuetang el ua ia ldu er a Johnny el kmo, "Ng di kau kung."

A Johnny a kmal mle soal el oureng a sulir tirka el Demul. Ng di ngerel a kmal medirt me ng diak el sebechel el mengedecheduch. Ng mekekakil el mocha a kmerd er tia el mlil. A dolech a kirel a debosel. Ng mocha a mekekakil el merael el mo ngmasech er a chelechol.

Te mla er ngii a rechad el ngar er a chelechol. Te rirurt el bedul a Johnny. A Johnny a omdasu el kmo ng sebechir tirka el chad el choielak. Ng obelta el bedul a kereker e omiroi er aika el Demul. Ng omiroi er tir el kmo mechikung. Aika el Demul a mengikai el bedul a dmolech. Te luueta el mo remei.